



**Aningaasaqarnermut Naligiissitaanermullu  
Naalakkersuisoq**

Ulloq: 5. november 2022  
J.nr.: 01.31.03-00067

**Soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaata allanngortinneqarnera pillugu Inatsisartut inatsisaattut siunnersuut (UKA 2022/109) pillugu Aningaasaqarnermut Akileraartarnermullu Ataatsimiititaliap apeqquai.**

Immikkoortumik aappassaaneerinninnissamut isumaliutissiissuteqarnissani sioqqullugu immikkoortoq pillugu apeqquteqarnissani ataatsimiititaliap immikkoortumik sulliarinninnerminut atatillugu pisariaqartippaa. Naalakkersuisunut ilisimatitsissutitut paasissutissiissutigineqarsinnaavoq aappassaaneerinninnissap ulloq 10. novembarimut kinguartinneqarnissaa ataatsimiititaliap Siulittaasoqarfimmu qinnutigimmagu. Taamaattumillu Naalakkersuisut piaartumik aammalu ulloq 7. novembari sioqqullugu akissuteqarnissaat Ataatsimiititaliamit qinnutigineqarpoq.

Apeqqu 1:

Soraarnerussutisiaqalernissamut ileqqaakkanit iluanaarutit akileraartarnikkut qanoq suliarineqartarnerisut paasissutissiissutigineqassasoq ataatsimiititaliamit kissaatigineqarpoq. Tamatumani pineqarput iluanaarutit annaasallu.

Apeqqu 2:

Soraarnerussutisiaqalernissamut aqqissuussinermut peqataasussaataaneq tjenestemandinut maleruagassat malillugit soraarnerussutisianik pissarsisartunut qanoq eqquisanersoq paasissutissiissutigineqassasoq ataatsimiititaliamit kissaatigineqarpoq.

Apeqqu 3:

Siunnersuut 2022-mut aningaasanut inatsisissaq pillugu isumaqatigiinniarnert inernerannik malitseqartitsineruvoq. Tamatuma siullermik inerneraa siunertamut kontomut 24.10-mut, toqqaannartumik akileraarutinut tunngasumut, oqaasertaliussamik nr. 7-imik, 8-mik 9-millu ilanngussineq. Tamatumani siunertarineqarpoq inatsimmut ilaatinneqarnerup innuttaasunut isertitakinneerpaanut naapertuutinnigsumik artukkiinnginnissaa.

1. Taamaattumillu utoqqalinermi pensionisiallit ilarpassui 2020-mi inuussutissiarsiornikkut tapertatut isertitaqarsimanagerat ataatsimiititaliamit tupaallaatigineqarpoq. Naalakkersuisut naliliippat pissutsit taamaannerat utoqqalinermi pensionisiaqartut utoqqalinermi pensionisiatik naammattusaarniarlugit sulisariaqarnerannik pissuteqartoq imaluunniit pissutsit allat pissutaasinnaappat?
2. Taamaattoqarsimappat qanoq alloriannissaq Naalakkersuisunit naatsorsuutigineqarpa?
3. Naalakkersuisut naliliippat innuttaasut allat (sulisartut inuussutissarsiummilluunniit ingerlatsisut ileqqaarnissamut annikitsumik tunngavissallit) ingerlaavartumik ileqqaakkaminut akiliuteqareernermikkut isertitatik naammattusaarniarlugit saniatigut sulisariaqartartut?

Apeqqu 4:

1. Immikkoortup inersuarmi oqaluuserineqarnerani saqqummiussissummini pissutsit marluk ilinniarfigineqartariaqartut, siunnersuummut nassuiaatini allaaserineqartut, Naalakkersuisup erseqqissaatigai. Pissutsit taakku erseqqissaatigineqarnissaat ataatsimiititaliamit kissaatigineqarpoq. Innuttaasut sapinngisamik pitsaanerpaamik sullinneqarnissaat, allaffissornikkut suliassamik kivitsisinnaanissamik aamma pisariaqartitsisoq, ataatsimiititaliamit matumani immikkut eqqarsaatigineqarpoq.
2. Suliami matumani pisariusumi innuttaasut qaammarsaavigineqarnissaat pisariaqartinneqartoq Naalakkersuisut ataatsimiititaliatulli isumaqarpat?

Apeqqu 5:

“Aallaqqaammut sanngheetit” pimoorunneqarlutillu iliuuseqarfigineqarnissaat ataatsimiititaliamit pingaartinneqarpoq. Soraarnerussutisiaqalernissamut aaqjissuussinermut peqataasussaataanerup aqutsivigineqarnera Naalakkersuisunit manna tikillugu qanoq misilittagaqarfigineqarnerasoq paasissutissiissutigineqassasoq ataatsimiititaliamit kissaatigineqarpoq. Matumani assersuutigalugu ataatsimiititaliamit eqqarsaatigineqarpoq 2022-mut aningaasanut inatsisissatut siunnersuutip isumaqatigiinniutigineqarneranut atatillugu oqaaser-taliussanik nutaanik ilanngussisariaqarsimaneq, tamannali Naalakkersuisut akissutis-saannut killiliisutut isigineqassanngilaq.

Apeqqu 6:

Apeqquummut siulianiittumut nangissutitut ataatsimiititaliamit paaserusunneqarpoq “sulias-sat” (maleruagassat nutaat atuutilerneranni) qassit Akileraartarnermut Aqutsisoqarfimmit suliarineqarsimanersut. Akissummi suussutsinut immikkoortiterlugit suliasat amerlassusiat paasissutissiissutigineqassasoq kissaatigineqarpoq. Kiisalu innuttaasut maleruagassanik iluaquteqartussatut kissaatigisagut sinnerlugit aningaa-sat aqutsivigineqartut pillugit paasissutissat najukkanut immikkoortiterlugit akissuteqaam-mut ilanngunneqartariaqarpoq.

Apeqqu 7:

Sulisitsisumik akilerneqartunik soraarnerussutisianik pissarsisoqarnerani nammineq soraar-nerussutisiassanut ileqqaarutinut akiliisoqannginnissaata qulakkeerneqarnissaa ataatsimiiti-taliamit kissaatigineqarpoq. Pisuni qanoq ittuni ullumikkut taamaattoqartarpa?

Apeqqu 8:

Soraarnerussutisiaqalernissamut aaqjissuussinermut peqataasussaataaneramik atuutiler-sitsinermi misilittakkat “pitsaanerpaajunngitsut” Naalakkersuisut paasissutissiissutigaa-t. Tamanna tunngavigalugu atuutilersitsinerup, ineriartortitsinerup piviusunngortitsinerullu iluatsiffiunngitsup qanoq nukissanik atuiffiutigisimanera paasissutissiissutigineqassasoq ataatsimiititaliamit kissaatigineqarpoq. Apeqquummut tunngaviuvoq nalinginnaasumik nas-suiaatini paasissutissiissutigineqarmat IT-mi nalunaarsuiffiup ineriartortinnerata kingusi-naarluni aallartinneqarnera, suliassamik naammanngitsumik ilisimasaqarneq paatsuunerillu aammalu sulisussat naammattumik piginnaasallit pissarsiariniarneqarnerisa ajornakusoor-simanera.

Apeqqu 9:

Siunnersuummut nalinginnaasumik nassuiaatini aamma paasissutissiissutigineqarpoq ilaatigut IT-mi unammilligassat aammalu pisariaqartunik piginnaasallit amigaataanerit pissutigalugit soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaannik pitsaasumik allaffissornikkut aqutsinissap qulakkeerneqarnissaa ilimagineqartumit ajornakusoornerusimasoq. Soraarnerussutisiaqalernissamut aqqissuussinermut peqataasussaataanerup attatiinnarneqarnissaa allaffissornikkut nukis-sanillu allanik sunik pisariaqartitsiviunersoq paasissutissiissutigineqassasoq ataatsimiititaliamit kissaatigineqarpoq.

Apeqqu 10:

Iluatsilluarmik atuutilersitinissamut paasisitiniiaanermik sukumiisumik ingerlatsinissaq assut pingaaruteqartoq Naalakkersuisut naliliipput. Soraarnerussutisiaqalernissamut nammineq ileqqaaruteqarnissamut kajumilersitsiniarluni paasisitiniiaanermik ingerlatsineq qanoq akeqassanersoq paasissutissiissutigineqassasoq ataatsimiititaliamit kissaatigineqarpoq. Kiisalu nammineq soraarnerussutisiassanut ileqqaarutissanik pilersitsinerup innuttaasunut tamatuma unammillernartoqarneranik misigisaqartunut qanoq ajornanginnerulersinneqarsinnaanera pillugu Naalakkersuisut saqqummiussinissaat ataatsimiititaliamit kissaatigineqarpoq.

Apeqqu 11:

Soraarnerussutisiaqalernissamut aqqissuussinermut peqataasussaataanermit manna tikillugu misilittakkat pisariaqartumillu naleqqussaanerit aallaavigalugit aqqissuussineq innuttaasunut allanik ajornartorsiortitsinani ingerlaqqissinnaasutut Naalakkersuisunit nalilerneqarnerisooq paasissutissiissutigineqassasoq ataatsimiititaliamit kissaatigineqarpoq.

Apeqqu 12:

Akissarsianut piumasaqaatit maanna qaffatsinneqalaarput. Suna tunngavigalugu taakku qaffanneqarpat – aammalu kisitsisit taakku anguniarlugit missingersuutit piviusuunngitsut sananeqarpat? Kalaallit Nunaanni piffinni innuttaasut katitigaanerit assigiinngisitaartorujussuuvoq. Kisitsisit taakku tamanut tunngasunngortinneqartut piffinni assigiinngitsuni ilaqutariinnut nalinginnaasunut assigiinngitsorujussuarnillu inuussutissarsiuteqarsinnaasunut qanoq sunniuteqarnerat naatsorsuusiarineqarsimava?

Apeqqu 13:

Soraarnerussutisiaqalernissamut aqqissuussinermut peqataasussaataanerup atorunnaarsinneqarsinnaanera qanoq akeqassanersoq paasissutissiissutigineqassasoq ataatsimiititaliamit kissaatigineqarpoq.

Apeqqu 14:

Soraarnerussutisiaqalernissamut aqqissuussinermut peqataasussaataaneq atuutinnagu soraarnerussutisiaqalernermik pitsanngorsaaneq aningaasanut inatsit aqutigalugu qanoq aningaasalersorneqarsinnaagaluarnerisooq paasissutissiissutigineqassasoq ataatsimiititaliamit kissaatigineqarpoq.


Apeqquut 15:

Kalaallit Nunaanni innuttaasut qanoq amerlatigisut soraarnerussutisiaqalernissamut ileqqaarneq ajornersut paasissutissiissutigineqassasoq ataatsimiititaliamit kissaatigineqarpoq.

Apeqquut 16:

Soraarnerussutisiaqalernissamut aningaasat aningaaserivinnut akiliutigineqartut Kalaallit Nunaanni aningaasaliissutitut atorneqarsinnaanersut paasissutissiissutigineqassasoq ataatsimiititaliamit kissaatigineqarpoq.

Inussiarnersumik inuulluaqqusillunga



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua



Aningaasaqarnermut Akileraartarnermullu Ataatsimiititaliaq  
Maani

Ilanngussaq  
Bilag 2

## UKA 2022/109 – Ataatsimiititaliamit apeqqutinut akissutit

Brevdato: 07-11-2022  
Sagsnr. 2022 - 5424

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@naaq.gl  
www.naalakkersuisut.gl

Qulaani inatsisissatut siunnersuut ulloq 4. oktober 2022 siullermeerinninnermi Aningaasaqarnermut Akileraartarnermullu Ataatsimiititaliamut suliassanngortinneqarpoq. Ataatsimiititaliaq arfininngornermi 5. november 2022 nal. 18.21 inatsimmut allannguutissatut siunnersuutit pillugit allaganngorlugit 16-inik apeqquteqaateqarsimavoq sapaatip ingerlanerani 6. november 2022 akissuteqaateqaqqusilluni. Naalakkersuisut ataatsimiititaliamit apeqquteqaatit soorunami akissuteqarfigerusuppai, kisianni aammattaaq paasinnissinnaanermik kissaateqarpoq, apeqqutit taamak annertutigisut akissuteqarfiginissaannut piffissamut killiliussaq taamak naatsigimmat akineqarsinnaanngitsut. Taamaammatt Naalakkersuisut apeqquteqaatigineqartunut akissuteqaatit matumuuna, akineqarnissaannut angumersissutigineqarsinnaasut, ataasinngornerup 7. november-ip ingerlanerani akissuteqaateqarfigai. Akissuteqaatit allat piaarnerpaamik ingerlanneqarumaarput, Naalakkersuisut akissuteqaatinik aalajangiinissaat pissutigalugu, taamaalilluni ataatsimiititaliap taakkununga ilassutitut isumaliutissiissusiornissaq angumerisinnaaniassammagu.

### Apeqqut 1:

*Soraarnerussutisiaqalernissamut ileqqaakkanit iluanaarutit akileraartarnikkut qanoq suliareqartarnerisut paasissutissiissutigineqassasoq ataatsimiititaliamit kissaatigineqarpoq. Tamatumani pineqarput iluanaarutit annaasallu.*

### **Akissuteqaat:**

Aallaavittut soraarnerussutisiaqalernissamut ileqqaakkanit isertitaqaatit 15,3 pct.-imik akileraarutigineqassapput. Pigisanit pissarsiat ilaasa akileraarutaat (KAS) pillugu Inatsisartut Inatsisaat, soraarnerussutisiaqalernissamut pissarsiat ilaasa akileraarutaat (PAL) pillugu Inatsisartut Inatsisaat aamma artikel 24-mi danskit-kalaallillu marloriaammik akileraarusersuisoqannginnissaanut isumaqatigiissut malippaat.

Imminut sillimmaserimanermut aamma soraarnerussutisiaqalernissamut aqqissuussat KAS-akileraarusiisoqartarpoq, tamanna nunani allani inissisimavoq, Danmark-imi imaluunniit Savalimmiuni. Ileqquvoq pingaarnertut § 53 A-mik taasatut aqqissuussanik ilaqartut Danmark-imi inissisimasut. Taakku aqqissuussaapput, aningaasanit akileraarutigineqareersunit akiliiffigineqartartut, tassanilu akiliinerit tunngavitsigut akileraaruteqartarnatik.

PAL akileraarutitut inatsit pingaarnertut soraarnerussutisiaqalernissamut aaqqissuussat soraarnerussutisiaqalernissamut ileqqaariffimmik pilersitsinernik ilaqarpoq, tamanna Kalaallit Nunaanni inissisimavoq kiisalu soraarnerussutisiaqalernissamut atatillugu aningaasaateqarfinnut ileqqaariviit pilersinnerat Kalaallit Nunaanni inissisimalluni imaluunniit nikisinneqarsinnaanngitsumik Kalaallit Nunaanni ingerlanneqarluni. Ileqquuvoq Inatsit SISA-mut, BankNordik-imut aamma Grønlandsbanken-imut attuumatillugu atuutsinneqarnera.

Artikel 24-mi danskit-kalaallillu marloriaammik akileraarusersuisoqannginnissaanut isumaqatigiisummut atatillugu arlalinnik Kalaallit Nunaanni soraarnerussutisiaqalernissamut aaqqissuussanut atuuttoq Danmark-imi inissisimavoq, tassunga 1. januar 2017-i tikillugu akiliisoqartarsimalluni. Aaqqissuussat taakku qallunaat PAL-akileraarutaannik 15,3 pct.-inik akileraaruserneqartarput. Akileraarutit ukiumut ataasiartumik Kalaallit Nunaanni akileraarusersuisarfimmut nuunneqartarput.

Malittarisassat tamarmik pingasut malillugit annaasaqaatit ukiut kingulliit isertitaqaatit qalligassatut allattoqarissapput. Malittarisassat taakkununga allaanerupput. Tamanna pingaarnertut peqquteqarpoq, malittarisassat PAL-akileraartarnermut inatsimmi annertuumik tekniskiuenera, IT-aaqqissuussanut il.il. ineriartortitsineq pillugu ilaatigut pissutigalugit, malittarisassat qallunaat inatsisaannit malittarisassanut assingummat.

KAS-inatsimmi ajornannginnerusumik aaqqiinissamik taasisoqarsimavoq, tamatuma annaasaqaatit ukiut qulit tullerit isertitaqaateqarfiusunit matussusigassatut allattoqarsinnaanerat periarfissaritippaa.

PAL-akileraartarnermut inatsimmi malittarisassat soraarnerussutisiaqalernissamut ileqqaarivinnit, ilaallutik SISA, Grønlandsbanken, il.il. ingerlanneqarput. Akileraarutit soraarnerussutisiaqalernissamut ileqqaarivinnit naatsorsorneqartarput aamma akilerneqartarlutik, kisianni inunni atuisuni ataasiakkaani inissisimallutik.

Artikel 24-mi danskit-kalaallillu marloriaammik akileraarusersuisoqannginnissaanut isumaqatigiisummut atatillugu danskit soraarnerussutisiaqalernissamut ileqqaariviit aamma danskit akileraarusersuisarfiit ingerlanneqarput. Akileraarutit soraarnerussutisiaqalernissamut ileqqaarivinnit naatsorsorneqartarput aamma akilerneqartarlutik, kisianni inunni atuisuni ataasiakkaani inissisimallutik.

KAS-inatsimmik ingerlatsineq aallaavittut inummi atuisumi inissisimavoq. Kisianni Akileraartarnermut aqutsisoqarfik, aqutsisoqarfiup pigisaanik, naqitikkani naatsorsukkanik paasissutissanik imalinnik nassitsisarpoq. Akileraarutit inummi atuisumi inissisimapput.

Inatsit pingasut taakku avataaniittut soraarnerussutisiassanut aaqqissuussanit iluanaarutit isertitaqaatitut akileraartarnermut inatsit § 44 malillugu

malittarisassat akileraaruserneqartarput. Taamak (ikitsunik) pisoqartillugu aningaasarsianut, nammineerluni suliffeqarfiutip il. il. sinneqartoorutaat (nalinginnaasumik 42 imaluunniit 44 pct.) akileraartarnermut procenti assigaa. Aalajangersagaq assersuutigalugu sillimmasiinissamut aaqqissuussanut USA-mi imaluunniit nunani allani inissisimasunut attuumatillugu akileraartarnermut atorqeersinnaavoq. Taakkununga tunngatillugu periarfissaavoq annaasaqaatit ukiut tallimat tulliuttut isertitaqaateqarfiit iluanaarutigiffiusut aaqqissuussap assingani allattornissaat.

Akileraarutit inummi atuisumi inissisimavoq aamma attuumassutilik nammineerluni isertitaqaatiminik akileraartarnermut nalunaarsuinissaq isumagisassaraa.

#### **Apeqqu 2:**

*Soraarnerussutisiaqalernissamut aaqqissuussinermut peqataasussaaitaaneg tjenestemandinut maleruagassat malillugit soraarnerussutisianik pissarsisartunut qanoq eqquissanersoq paasisutissiisutiginegassasoq ataatsimiititaliamit kissaatiginegarpoq.*

#### **Akissuteqaat:**

Tjenestemandit atorfiliit tjenestemandit inatsisaat malillugu atorfinitsitaapput. Taakkununga atatillugu tjenestemandit atorfiliinnut soraarnerussutisiassat akilerneqarnissaat pillugit inatsit akuerineqarnikuvoq, tassunga ilaalluni tunngaviliusaaq, tjenestemandit soraarnerussutisiassaattut naatsorsuinernut atatillugu atugassaaq. Tjenestemandit soraarnerussutisiassaannut naatsorsuinernut tunngavik tjenestemandip tigusinnaasaanut immikkut tapiissutinik imaluunniit suliaqarnerunermut akiliinernik il. il. ilaqanngilaq. Ataatsimut taakut tapiissutit il. il. ataatsimut aningaasarsiat annertussusaasa ilaanniikkajuttarput.

Inatsimmit anguniakkat ilagaat, innuttaasut soraarnerussutisiaqalernissaannut atatillugu isertitaqaatit annertuumik appaaffigineqannginnissaat. Tamanna aamma tjenestemandinut atuuppoq. Soraarnerussutisiassamut ikaarsaarnermi isertitaqaatit apparnissaat annikillisinniarlugit anguniagaappat, tapiissutit il. il. tjenestemandip ileqqaarinnermut tunngavii nalunaarsorneqarsimasut ilanngullugit naatsorsuutigineqartariaqarput.

Ataani tulliuttuni pingasut assersuutit, soraarnerussutisiaqalernissamut piunasaqaatit pillugit inatsit qanoq tjenestemandimut sunniuteqarnersoq ersersitsissapput.

1.

Tjenestemandit isertitaqaatit	200.000 kr.
Immikkut tapiissutit	<u>200.000 kr.</u>
Isertitaqaatit	400.000 kr.

Ileqqaarinnermut tunngaviit (400.000- 200.000)	200.000 kr.
Ileqqaarinnermut pisussaaffik 6 pct.	12.000 kr.

2.		
Tjenestemanditut isertitaqaatit		200.000 kr.
Immikkut tapiissutit		<u>90.000 kr.</u>
Isertitaqaatit		290.000 kr.

Ileqqaarinermmut tunngaviit (290.000 – 200.000)	90.000 kr.
Ileqqaarinermmut pisussaaffik 6 pct. af 0*	0 kr.

\* ileqqaarinermmut tunngavik minnerpaamik tunngavimmit 100.000 kr.-usunit annikinneruvoq

3.		
Tjenestemanditut isertitaqaatit		200.000 kr.
Immikkut tapiissutit		<u>150.000 kr.</u>
Isertitaqaatit		325.000 kr.

Ileqqaarinermmut tunngaviit (325.000 – 200.000)	150.000 kr.
Ileqqaarinermmut pisussaaffik 3* pct.	4.500 kr.

\* Ileqqaarinermmut pisussaaffiup affarivaa 3 pct.-iulluni § 3, imm. 4-mi allartisaanermmut malittarisassat malillugit.

### Apeqqu 3:

*Siunnersuut 2022-mut aningaasanut inatsisissaq pillugu isumaqatigiinniarnert inernerannik malitseqartitsineruvoq. Tamatuma siullermik inerneraa siunertamut kontomut 24.10-mut, toqqaannartumik akileraarutinut tunngasumut, oqaasertaliussamik nr. 7-imik, 8-mik 9-millu ilanngussineq. Tamatumani siunertarineqarpoq inatsimmut ilaatinneqarnerup innuttaasunut isertitakinneppaanut naapertuutinnigsumik artukkiinniginnissaa.*

*1. Tuamaattumillu utoqqalinermi pensionisiallit ilarpassui 2020-mi inuussutissarsior-nikkut tapertatut isertitaqarsimanerat ataatsimiititaliamit tupaallaatigineqarpoq. Naalackersuisut naliliippat pissutsit taamaannerat utoqqalinermi pensionisiaqartut utoqqalinermi pensionisiatik naammattusaarniarlugit sulisariaqarnerannik pissuteqartoq imaluunniit pissutsit allat pissutaasinnaappat?*

*2. Taamaattoqarsimappat qanoq alloriarnissaq Naalackersuisunit naatsorsuutigineqarpa?*

*3. Naalackersuisut naliliippat innuttaasut allat (sulisartut inuussutissarsiummilluunniit ingerlatsisut ileqqaarnissamut annikitsumik tunngavissallit) ingerlaavartumik ileqqaakkaminnut akiliuteqareernermmikkut isertitamik naammattusaarniarlugit saniatigut sulisariaqartartut?*

### **Akissuteqaat:**

Apeqquteqaatit ataatsimut akineqassaapput.

Paasissutissat siunnersuummi nalinginnaasumik oqaaseqaatit, inuit qanoq amerlatigisut 66-it sinnerlugit ukioqarnersut pillugit, ukioq 2020-mi inuussutissarsior-nikkut isertitaqaateqarsimasut isertitaqaataasa suussusaasa akorninik immikkoortiterisoqanngilaq. Isertitaqaatit illugiimmik aningaasarsianit, nammeneq soraarnerussutisiansanik ileqqaarinermit,



namminersorluni suliffeqarfuteqarnermit isertitaqaatinik imaluunniit allanit tunngaveqarsinnaapput.

Utoqqaat isertitaqaataannik misissueqqissaarnerit naatsorsuutigineqarput utoqqarnut periusissiasap tunngaviisa ilaannut ilaassasut, taakkut Naalakkersuisut ukioq 2023-mi saqqummiutissavaat. Utoqqarnut periusissiap aammattaa tigussaasumik alloriarnernut aamma suliniutinut siunnersuutininik tunisissaaq.

Naalakkersuisut tunngavik saqqummiunneqartoq aamma akissuteqarnissamut piffissaritinneqartoq tunuliaqutaralugit, taamaammat taamaallaat qaaperaartumik peqquiti tunuliaqutaat iserfigisinnaavai, tassa utoqqaat ilaat inuussutissarsiornermik isertitaqaateqarlutik ingerlatsisut. Taamaammat Naalakkersuisut innersuussiinnarsinnaapput nalinginnaasumik pissutsinut, tassa ajornartorsiutaasoq, utoqqaat utoqqalinersiutisisinnaanermut ukiut qaangerlugit ukiullit aningaasaqarniarneq peqqutigalugu pinngitsaalisamik sulinertik ingerlatinnassallugu misigippata. Utoqqaat inuussutissarsiornermut peqataanerisa qularnanngitsumik ersersippaat inuiaqatigiit inooriaasaat aningaasaqarnerallu ataasiakkaanut pissutsinut assigiinngitsorpassuaqartoq, kisianni qularnanngilaq, utoqqaat ilaat killilimmik isertitaqaateqarsinnaanerat assersuutigalugu nalinginnaasumik aningaasartuutinut akiliisinnaaniassagamik suliffeqartariaqartartut. Allamut immaq isumaqarneruvoq, inuiaqatigiit akornanni suliffeqarfinni suli peqataasinnaanermut piumassuseqarnermik aamma nukissaqarnermik. Ataani nalunaarsuiffik, Kalaallit Nunaanni Naatsorsueqqissaartarfimmit isertitaqaatinut naatsorsoqqissaakkat pingaarnernik tunngavillit ersersippaat, qanoq inuiaqatigiit isertitaqaataasa annertussusaat malunnaatilimmik ukiut malillugit appariartortut.

*Iluseq: Inunnut 60-t sinnerlugit ukiulinnut nunamut tamarmut agguaqatigiissillugit isertitaqaatit akileraarutit sioqqullugit, 1000 kr.*

	60-64 ukiullit	65-69 ukiullit	70-74 ukiullit	74 sinnerlugit ukiullit
2020	702.466	388.229	225.007	190.878
2021	749.271	413.421	200.073	174.679

Ataatsimiititaliap apeqqutaata Naalakkersuisut piviusumik akissuteqaateqarfigineqarnissaat pissuteqalersippaa, tassa soraarnerussutisiaqalernissamut aaqqissuussaq utoqqalinermit piitsunngunnginnissamut illersuutitut eqqarsaataammat. Qulaani kisitsisut taamaalillutik ersarissumik ersersippaat, utoqqaat amerlasuut malunnaatilimmik soraarninngornermit isertitaqaatit apparnerat misigigaat, aamma taamaalillutik kisitsisut erseqqissaapput siornatigut qulakkeerinninnissaq nassuerutigineqarnikoq pisariaqartoq, annertusisamik utoqqalinissamut ileqqaarinninnermik aamma maani nunami pisoqarnissaa.

**Apequt 4:**

1. *Immikkoortup inersuarmit oqaluuserineqarnerani saqqummiussissummini pissutsit marluk ilinniarfigineqartariaqartut, siunnersuummut nassuiaatini allaaserineqartut, Naalakkersuisup erseqqissaatigai. Pissutsit taakku erseqqissaatigineqarnissaat ataatsimiititaliamit kissaatigineqarpoq. Innuttaasut sapinngisamik pitsaanerpaamik sullinneqarnissaat, allaffissornikkut suliassamik kivitsisinnaanissamik aamma pisariaqartitsisoq, ataatsimiititaliamit matumani immikkut eqqarsaatigineqarpoq.*
2. *Suliami matumani pisariusumi innuttaasut qaammarsaavigineqarnissaat pisariaqartinneqartoq Naalakkersuisut ataatsimiititaliatulli isumaqarpat?*

**Akissuteqaat:**

Apequteqaatit ataatsimut akineqassaapput.

Soraarnerussutisiaqalernissamat inatsit pillugu UKA2016-mi akuerineqarpoq, aamma inatsit 1. januar 2018-imi atortuulersinneqarluni. Ukioq 2017 taamaalilluni piareersarfiuvoq aaqqissuussanik assigiinngitsunik inatsimmut aqutsinissamat aamma inatsisip nalinginnaasumik ilisimaneqarnissaanut piareersarfiulluni. Innuttaasut amerlasuut piffissaanerani inatsimmik ilisimasaqarsimanngillat imaluunniit qanoq taassuma kinguneqarsinnaaneranut, atuutsinneqalerfiani. Taakku saniatigut erseipoq, suliffeqarfiit amerlasuut aamma eqqumaffigisimanngikkaat, maannakkut pisussaaffigilersimallugu akileraartarnermut aqutsisoqarfimmut nutaanik nalunaaruteqartarnissartik. Nalilersorneqarpoq, annertuumik paasissutissiinernik ingerlatsisoqarsimasussaagaluartoq, Inatsisartut Inatsisaata atuutsilemissaa sioqqullugu, ass. KNR aqqutigalugu nittartakkanik saqqummiinikkut. Taakku saniatigut iluaqutaasumik paasissutissiinernik annertunerusunik ass. Sulisitsisut suleqatigalugu sulisitsisut pisussaaffiinik eqqumaffigineqqussutinik suliaqarnermik aallartisaasoqarsinnaasimagaluarpoq.

IT-aaqqissuussamik ineriartortitsinermi unammillernarsinnaasut, suliamik passussissutaasinnaasut aammattaaq erseput takorlluukkamiit annertunerusimasut. Suliaq kingusinaarpallaartumik aallartinneqarpoq aamma ineriartortitsinermi suliaqarnermi aningaasaqarnikkut inunnillu isumalluutinik naammattumik pingaarnersiorneqarsimanngilaq. Tamanna aammattaaq attuumassuteqarpoq Namminersorlutik Oqartussat aningaasaqarnikkut aaqqissuussartik XAL tamaat aaqqissuussamik nutaavimmik Prisme-mik ataatsikkut taarsersormassuk. Aningaasaqarnikkut aaqqissuussap tamarmi taarserneqarneranut suliaq annertuvoq, siornatigut misilinneqarsimanani, aamma tamanna inunnik aalajangersimasunik killiliisimavoq, assersuutigalugu IT-mik suliunnaarnerisutut aqutsillutik suliaqartussanik.

Suliunnaarnerisutut pillugit inatsimmik aqutsineq Akileraartarnermut aqutsisoqarfimmut inissinneqarsimavoq eqqarsaatigalugu inatsimmik aqutsineq paasissutissanit annerusunik akileraartarnermut aaqqissuussanit tigussaasunit tunngaveqassamat. Tamanna aammattaaq assinganik pitsaasumik inatsimmik aqutsinermut akikinnerpaamik qulakkeerinnertut isigineqarsimavoq,

pissutigalugu suliunnaarnersiutissanut akiliutit amingaataasut ajornanngitsumik ukiumut akileraartarnermut nalunaarutinut atatillugu akileraarutitigut akiligassiissutaasinnaammata. Tamanna innuttaasumit isigalugu qularnanngitsumik kukkuneruvoq. Akileraartarnermut aqutsisoqarfimmi suliap inissinneqarnera innuttaasunut arlalinnut kukkunertut isigineqarsimavoq, suliunnaarnersiutissanut ileqqaarinninneq akiligassatut akileraarutaaqqittutut. Ersarissisimavoq paasinnissusermik pilersitsinissaq ajornarsimasoq, akiligassiissutit nalingi inummut namminermit suliunnaarnersiutitut ileqqaagassanngortinneqassasut. Piviusumik passussilluni IT-kkut aamma isumaqatigiissutit tunngavigalugit ajornakusoorsimasoq automatiskimik suliunnaarnersiutisiassat karsiannut il. il. akiligassiissutigineqartunik nuussinissamut pilersitsineq suliamik ajornerulersitsiinnarsimavoq, taamaammat naggataatigut pisariaqarsimavoq akiligassiissutaasimasut nalingisa ilaannik utertitseqqineq, kisianni nuunneqarsimanngitsunik. Taakku saniatigut ajoraluartumik akileraaruseriffinni nalinginnaasumik suliassasa ilagaat, pisortaqarfittut, akileraarutitik aamma akitsuutitik akiligassiineq aamma akiliisitsiniartarfimmi suliassat ingerlataralugit, innuttaasut ilaat aamma inuussutissarsiorlutik suliffeqarfiutillit ilisimaarinnillutik Akileraartarnermut aqutsisoqarfik attaviginaveersaaraat. Kingumut isigalugu suliaq iluaqutaasumik immikkut aqutsisoqarfimmi pilersitamut inissinneqarsimasinnaagaluarpoq, Akileraartarnermut aqutsisoqarfiup pisortatigoortumik ilarinngisaanut, kisianni aqutsisoqarfimmiq suleqateqaannartumut aamma taakku akileraartarnermut paasissutissaataanut periarfissaqarluni.

Akileraartarnermut aqutsisoqarfik pisortaqarfittut allatulli piginnaasalinnik sulisussarsiornerat ajornakusoorpoq, aamma tamatuma sunniuteqarfigisimavaa – aamma suli sunniuteqarfigaa – IT-aaqqissuussamik nutaamik atortuulersitsinissaq, kisianni aamma aqutsisoqarfiup innuttaasunut pitsaasumik siunnersuinissaa. Ajoraluartumik periarfissaasimanngilaq atorfinitsitsinissaq imaluunniit sulisunik naammattumik pikkorissaanissaq, innuttaasunik inatsit pillugu siunnersuisinnaasunik. Tamanna aqutsisoqarfiup sulisuinut assinganillu innuttaasunut ajoqutaasimavoq.

Taakkununga aammattaq avataanit pissutsit ilaapput. Assersuutigalugu inaarutaasumik naatsorsuutit unammillernartunik kinguneqarput, suli suliunnaarnersiutitut akiliutinut piumasaqaatit pillugit takussutissanik, innuttaasunut allakkerivikkut tunniunneqarsinnaasimanngimmata. Tamanna ilaatigut peqquteqarpoq, innuttaasut nuunnerminni najugaqarfittaaminnik nalunaarsimannginnerannik, ilaatigut allakkerivik peqqutissaqanngitsumik allakkat ilaannik apuussimanngitsutut nalunaarutigisimanngissuk najugaqarfiup adressea ajoquteqarunangikkaluatoq. Ajornartorsiutit taakku naatsorsuutigineqarput annikinnerulernissaat digitalimik allakkat amerliartornerat malillugit. Taakku saniatigut inaarutaasumik naatsorsuutit innuttaasunut anngunneqarnissaannut piffissaq annerusunngortinneqarsimavoq. Qarasaasiatigut allakkat atorneqameranut tunngatillugu ersersinneqartariaqarpoq, innuttaasut suli NemID/MitId-mik pissarsisimannginnerat peqqutigalugu innuttaasunut aamma pisortanut attaveqatigiinnikkut ilungersunartoqartitsisoq.

Immikkuullarissumik aamma siumut takorloorsimangisamik ajornartorsiutit ilagaat Kalaallit Nunaanni inatsit tunuliaqutaralugu pisortatigoortumik atorfillit suliarinissaat. Inatsimmut siunnersuut piffissaanerani naalagaaffimmi pisortaqaarfinnut tusarniaatit nassiunneqarsimavoq, kisianni akissuteqaataasimasut ersersissimavaat kingorna inatsisip aqqissuussaananeranut sanilliullugu piviusumik aqutsinermut naammassimangitsut. Naalagaaffiup assersuutigalugu erseqqissarsimangilaa, tjenestemandit suliunnaarnersianut atugassarititat sakkutooqaarfinni atorfillit aamma naalagaaffimmi atorfillit akornanni assigiingissuteqartut. Ajoraluartumik taakku saniatigut paasineqarsimavoq ilaatigut nassuerutigineqarusungitsoq, Kalaallit Nunaanni naalagaaffimmi atorfillit Kalaallit Nunaanni malittarisassanut peqataatinneqangitsut.

Nalinginnaasumik innuttaasut akileraartarnermut aqqissuussap periarfissaannginnera misigisimavaat aamma innuttaasut pisortatigoortunit allagaqaatit qisuariarfineq ajorlugit. Akulikitsumik Akileraartarnermut aqutsisoqarfiup misigisarpaa, innuttaasut aatsaat qisuariatartut, assersuutigalugu aningaasarsiat aqputigalugit akiligassiissutinik ilanngaatsitsinerit aallarnisarneqaraangata. Tamanna aammattaaq soraarnerussutisiaqalernissamut aqqissuussamik atortuulersitsineq soorunami sunnerpaa.

Naalakkersuisut taamaalillutik ataatsimiititaliaq isumaqatigaat uani, akileraartarnermut sammisat iluanni, kisianni aamma sammisaqaarfinni arlalinni allani, pisariaqartoq suli innuttaasunut paasissutissiinermik ingerlatsinerit.

#### **Apeqqu 5:**

*"Aallaqqaammut sanngheetit" pimoorunneqarlutillu iliuuseqarfigineqarnissaat ataatsimiititaliamit pingaartinneqarpoq. Soraarnerussutisiaqalernissamut aqqissuussinermut peqataasussaataitanerup aqutsivigineqarnera Naalakkersuisunit manna tikillugu qanoq misilittagaqarfigineqarnerasoq paasissutissiissutigineqassasoq ataatsimiititaliamit kissaatigineqarpoq. Matumani assersuutigalugu ataatsimiititaliamit eqqarsaatigineqarpoq 2022-mut aningaasanut inatsisissatut siunnersuutip isumaqatigiinniutigineqarneranut atatillugu oqaasertaliussanik nutaanik ilanngussisariaqarsimaneq, tamannali Naalakkersuisut akissutissaannut killiliisutut isigineqassanngilaq.*

#### **Akissuteqaat:**

Apeqquteqaat "Aallaqqaammut sanngheetit" pillugit soqutiginaateqarpoq, nutaamik aqqissuussamik ingerlatsisoqalernissaanut. "Aallaqqaammut sanngheetit" ima paasineqassapput siumut takorloorsimangisamik pissutsit, nutaamik suliniutinik aallartisaanermi sunniinertut. Tassunga atuuppoq IT-aqqissuussat, kisianni aammattaaq piviusumik aqutsinermik pilersitsinermi, inatsimmi aamma allani siumut takorloorsimangisanut pissutsinut.

Naalakkersuisut ataatsimiititaliaq isumaqatigaat, pisortatigoortumik ingerlatsinerput aallaqqaammut sanngheetit taamaattut qaanerniassagaat pitsaanerpaamik sapinngisamik aallartisaanermut atatillugu, aamma tamanna sammisaqaarfinnut allanut atuuppoq; soraarnerussutisiaqalernissamut aqqissuussaannaanngitsumut. Qisuariaatit nappaatit aqqissuussanut

aallaqqaammut sanngheetit amerlanertigut qaanerseqarsinnaapput peqqissaartumik pinaveersaartitsinikkut. Tamanna ima isumaqarpoq, inatsisip nutaap atortuulersinnissaanut pitsaanerusequmik piareersarnissamut piffissaliisoqassasoq. Politikkeritut merlasoorpassuarnik aamma annertuunik suliniutinik nutaanik anguniagaqartarsinnaavugut, kisianni nassuerutigisariaqarparput, aaqqissuussaaticut aamma innuttaasut piareersimasariaqartut passunnissaannut. Politikkeritut illuaqqajaanerit annertusisamik inatsisip amerlinerinut aamma inatsisip nalinginnaasumik annertuumik katitigaassutsinik imaqarneri ersarissumik suli aallaqqaammut sanngheetutinik arlalinnik taamaalillutik kinguneqaratarsinnaapput. Sukkassuseq annertoq, inatsisip sorliup iluani akuerineqassanersoq aamma atortuulersinneqarfissaa, Inatsisartut ukiumut marloriarlutik imartuumik katersuuttarnerat peqquutaalluni, taakku saniaticut aaqqissuussaticut aallaqqaammut sanngheetit annertuseratarsinnaapput.

Naalakkersuisut taamaalillutik ataatsimiititaliaq isumaqatigaat aaqqissuussamik aallaqqaammut sanngheetit pinaveersaartinnissaannik ukkataqarnissaaq, kisianni Naalakkersuisut ataatsikkut tikkuassisariaqarput, pinaveersaartitsineq tamanna pisariaqartumik Inatsisartunit assinganillu Naalakkersuisunit ataatsimut nassuerutitut kivinneqassasoq, suliniutinik nutaanik atortuulersitsineq nalinginnaasumik piffissamik annerusequmik aamma isumalluutinik arlalinnik pisariaqartitsimmat, siullermernit naatsorsuutigisamiit.

Soraarnerussutisiaqalernissamut aaqqissuussaq pillugu AI2022-mi oqaaseqaaticineqarsimasut, taamaallaat ersersippaat anngikitsumik aaqqissuussamik aallaqqaammut sanngheeteqartoq. Oqaaseqaatic politikkeritut isumaqatigiissutsinik ersersitsinerupput, UKA2022-mi isumaqatigiissutaasimasut, aamma soraarnerussutisiaqalernissamut aaqqissuussaq pillugu inatsimmik aqutsinermut isertitaqaatinut killigitat allanguutitut isikkoqarlutik.

Oqaaseqaatic taamaalillutik politikkeritut aamma aqutsinikkut misilittagaqarfinnik ersersitsinerupput, maannamut inatsimmik aqutsinerit aaqqissuussamut aallaqqaammut sanngheeteqarsimallutik.

Taakku saniaticut apeqquateqaat 4-mut akissuteqaatinut innersuussissutigineqarput, inatsimmik aqutsinermut misilittakkat pillugit.

**Apeqquut 6:**

*Apeqquummut siulianiittumut nangissutitut ataatsimiititaliamit paaserusunneqarpoq "suliassat" (maleruagassat nutaat atuutilerneranni) qassit Akileraartarnermut Aqutsisoqarfimmit suliarineqarsimanersut. Akissummi suussutsinut immikkoortiterlugit suliassat amerlassusiat paasisutissiissutigineqassasoq kissaatigineqarpoq.*

*Kiisalu innuttaasut maleruagassanik iluaquteqartussatut kissaatigisagut sinnerlugit aningaasat aqutsivigineqartut pillugit paasisutissat najukkanut immikkoortiterlugit akissuteqaammut ilanngunneqartariaqarpoq.*

**Akissuteqaat:**

Apequteqaat tamanna kingusinnerusukkut aatsaat akissuteqarfigineqarsinnaavoq.

**Apequt 7:**

*Sulisitsisumik akilernerqartunik soraarnerussutisianik pissarsisoqarnerani nammineq soraarnerussutisiassanut ileqqaarutimut akiliisoqannginnissaata qulakkeerreqarnissaa ataatsimiititaliamit kissaatigineqarpoq. Pisuni qanoq ittuni ullumikkut taamaattoqartarpa?*

**Akissuteqaat:**

Apequteqaat ajoraluartumik ersarinnigilaq, taamaammat Naalackersuisut apequt pillugu nalornissuteqarput. Kisianni paasisimaffigineqarpoq, ataatsimiititaliap kissaatigigaa ilisimatinneqassallutik, Naalackersuisut innuttaasut sinnerlugit qanoq SISA-mut akiliisarnersut, innuttaasup nammineerluni inatsimmi allassimasoq naligititaq aningaasarsiami ilaanit soraarnerussutisiassanik ileqqaarivimmut akuerisamut akilertarsimappagu.

SISA suliassanngortitinerup kingorna isumagisaraa innuttaasut, nammineq soraarnerussutisiassanik ileqqaarinnermut anguniagaqanngitsut, imaluunniit nammineq soraarnerussutisiassaminnut ukiumi soraarnerussuteqarfiusumi akiliinikissimasut inatsit malillugu soraarnerussutisiassanik ileqqaarineq aqussallugu.

Naalackersuisut uppernarsarsinnaavaat SISA-mut innuttaasunut akiliinerit ingerlanneqassanngitsut, taakku inatsimmit piumasaqaatit malillugit ileqqaaringermut pisariaqartumut malinnaasimmamata. Pingaarnertut inatsisip atuuffiani ukiumi siullermi pisoqarsimavoq, innuttaasut, ileqqaarinissamut piumasaqaatinik atuutsitsisimasut, misiginikuusimagaat pigisat uninngatinneqarsimasut SISA-mi ileqqaarinissaq tunuliaqutaralugu. Taamak pisoqarsimanageranut nalinginnaasumik eqqartorneqarput, innuttaasunut ileqqaarinnermut piumasaqaatinut takussutissiat pisariaqartut nassiuunneqarsimannginnerat imaluunniit Akileraartarnermut aqutsisoqarfimmi inuup kukkussutaanik peqquteqartut. Suliat taakku annertuumik ilaat kisianni Akileraartarnermut pisortaqarfimmit naammassineqarsimapput ukioq 2022-mi akiliutaasimasut utertinnerisigut. Utertitsilluni akiliinerit 2022-mi aningaasaqarnikkut inatsimmi oqaaseqaatinit tunngaveqarsimapput.

**Apequt 8:**

*Soraarnerussutisiaqalernissamut aqqissuussinnermut peqataasussaatitaanermik atuutilersitsinermi misilittakkat "pitsaanerpaajunngitsut" Naalackersuisut paasissutissiisutigaat. Tamanna tunngavigalugu atuutilersitsinerup, ineriartortitsinerup piviusunngortitsinerullu iluatsiffiunngitsup qanoq nukissanik atuiiffutigisimanagera paasissutissiisutigineqassasoq ataatsimiititaliamit kissaatigineqarpoq. Apeqqummut tunngaviuvoq nalinginnaasumik nassuiaatini paasissutissiisutigineqarmat IT-mi nalunaarsuiffiup ineriartortinnerata kingusinaarluni aallartinneqarnera, suliassamik naammangitsumik ilisimasaqarneq paatsuinerillu aammalu sulisussat naammattumik piginnaasallit pissarsiariniarneqarnerisa ajornakusoorsimanagera.*

**Akissuteqaat:**

Apeqquateqaat tamanna aatsaat kingusinnerusukkut akissuteqaateqarfigineqarsunnaavoq.

**Apeqquut 9:**

*Siunnersuummut nalinginnaasumik nassuiaatini aamma paasissutissiissutigineqarpoq ilaatigut IT-mi unamilligassat aammalu pisariaqartunik piginnaasallit amigaataanerat pissutigalugit soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaannik pitsaasumik allaffissornikkut aqutsinissap qulakkeerneqarnissaa ilimagineqartumit ajornakusoornerusimasoq. Soraarnerussutisiaqalernissamut aaqqissuussinermut peqataasussaataanerup attatiinnarneqarnissaa allaffissornikkut nukissanillu allanik sunik pisariaqartitsiviunersoq paasissutissiissutigineqassasoq ataatsimiititaliamit kissaatigineqarpoq.*

**Akissuteqaat:**

Apeqquateqaat 4-mut akissuteqaatit innersuussutigineqarput, peqqutigalugu nassuiaatit piviusumik passussat inunnik teknikikkullu isumalluutitut pisariaqartitat aqutsinermi kukkuneqanngilluinnamissaannut tunngatillugit imaluunniit inatsisunik nutaanik allanik pilersitsisoqarsinnaanera qularnarmat. Pitsaanerpaatut apeqquateqaammut akissuteqaateqarnissamut killiliussap iluani akissuteqaataasinnaasoq aamma suliarineqarsinnaanngilaq. Kisianni Naalakkersuisut paasisimasaqarfigaat, maannakkumut isumalluutit aamma massakkut piffissami misilittakkanit pissarsiat tamakkiisumik soraarnerussutisiaqalernissamut aaqqissuussaq akisussaassusilimmik ingerlanneqarsinnaasoq. Naalakkersuisut tassunga atatillugu immikkut nalunaarsukkanut innersuussippot, ataatsimiititaliap siornatigut tigusimasaanut, taakkunani ersippot Aningaasaqarnermut naalakkersuisoqarfimmuut inatsimmik aqutsinermut naammagittaalliutitut tigusimasaasa amerlassusaat ukiuni kingullerni appariartorsimasut, assinganik paasissutissiissutigineqarsinnaavoq inatsimmik eqqortumik ingerlatsinermik qulakkeerinnettussaq IT-aaqqissuussanik annertuumik ineriartortitsineq pitsanngoriaataasimasoq.

Akilerartarnermut Aqutsisoqarfiup sulisitsisut allannguutit piffissap ingerlanerani aatsaat atulertarmagit, aamma ukiut arlallit qaangiukkaangata aatsaat paasissutissat il.il. naammaginaratumik pitsaassuseqalartarmata tatiginartumik atorneqarsinnaanngorlutik aamma misilittagarivaa.

**Apeqquut 10:**

*Iluatsilluartumik atuutilersitsinissamut paasisitsiniaanermik sukumiisumik ingerlatsinissaq assut pingaaruteqartoq Naalakkersuisut naliliipput. Soraarnerussutissiaqalernissamut nammineq ileqqaaruteqarnissamut kajumilersitsiniarluni paasisitsiniaanermik ingerlatsineq qanoq akeqassanersoq paasissutissiissutigineqassasoq ataatsimiititaliamit kissaatigineqarpoq. Kiisalu nammineq soraarnerussutisiassanut ileqqaarutissanik pilersitsinerup innuttaasunut tamatuma unamillernartoqarneranik misigisaqartunut qanoq*

*ajornannginnerulersinneqarsinnaanera pillugu Naalackersuisut saqqummiussinissaat ataatsimiititaliamit kissaatigineqarpoq.*

**Akissuteqaat:**

Apeqquteqaammut akissuteqarnissamut piffissarititap iluani paasisutissiinissamut nittarsaassinernut taamaattunut piviusumik aningaasaliissusiinissaq periarfissaasimanngilaq akissutissaqaateqarfigissallugu. Paasisutissiilluni nittarsaassineq TV-kkut KNR-imi ilaqartariaqassaaq aamma annerusumik sulisitsisunut namminersorlutillu inuussutissarsiortunut naleqqussakkamik suliniutaasariaqassalluni. Iluaqutaasumik tamanna ass. digitalimik allakkanik aamma MIT-ID-mik il. il. atuinerup pitsaasortaanic paasisutissiinermut suliat ataqatigiissaarneqarsinnaapput. Siornatigut paasisutissiissutitut nittartakkanit misilittakkanit tunngavillit taamaattut 1-2 mio. kr.-it nalinginut ingerlanneqarsinnaassajunnarsipput apeqqutaalluni nittarsaassinerup ingerlanneqarnerata sivirususaa.

Tunngavitsigut nunatsinni soraarnerussutisiaqalernissamut aaqjissuussamut pilersitsinissamik ikiortinnissaq bankit marlunnut taakkununga saaffiginninneq kisimi piumasaqaataavoq. Tamanna qanoq innuttaasunut pisariinnerulissanersoq isigineqarsinnaanngilaq. Naalackersuisut illoqarfinni tamani aningaaserivittaqaanngitsoq ilisimavaat, innuttaasullu aningaaseriveqaanngitsuni najugallit telefoni, mail aamma allakkat aqutugalugit banki attavigisariaqarlugu. Attaviginneriaatsilli taakku innuttaasut bankiminnik attaviginninniaaraangata atorneqareerput.

**Apeqqut 11:**

*Soraarnerussutisiaqalernissamut aaqjissuussinermut peqataasussaatitaanermi manna tikillugu misilittakkat pisariaqartumillu naleqqussaanerit aallaavigalugit aaqjissuussineq innuttaasunut allanik ajornartorsiortitsinani ingerlaqqissinnaasutut Naalackersuisunit nalilerneqarnerisooq paasisutissiissutigineqassasooq ataatsimiititaliamit kissaatigineqarpoq.*

**Akissuteqaat:**

Apeqquteqaat 9-mut akissuteqaatit innersuussutigineqarput, tassa Naalackersuisut paasisimasaqarfigimmassuk, maannakkumut isumalluutit aamma maannakkumut soraarnerussutisiaqalernissamut aaqjissuussat misilittakkanit ilikkakkat akisussaassusilimmik ingerlanneqaannarsinnaanerat. Naalackersuisut kisianni neriorsuisinnaanngillat, inatsimmik taasumanga – imaluunniit Inatsisartut Inatsisaannik tamanik allanik ingerlatsinermi – suliaqarnermi kukkusumik suliaqarnerq pinngitsoorsinnaanngitsoq imaluunniit pisortaqaarfiit innuttaasullu akornanni paatsooqatigiinnerit pisinnaasut.

**Apeqqut 12:**

*Akissarsianut piumasaqaatit maanna qaffatsinneqalaarput. Suna tunngavigalugu taakku qaffanneqarpat – aammalu kisitsisit taakku anguniarlugit missingersuutit piviusuunngitsut sananeqarpat? Kalaallit Nunaanni piffinni innuttaasut katitigaanerat assigiinngisitaartorujussuuvoq. Kisitsisit taakku tamanut tunngasunngortinneqartut piffinni assigiinngitsuni ilaqutariinnut*



*nalinginnaasunut assigiinngitsorujussuarnillu inuussutissarsiuteqarsinnaasunut qanoq sunniuteqarnerat naatsorsuusiarineqarsimava?*

**Akissuteqaat:**

Isertitaqaatinut killiliussat nutaat il. il. Aningaasaqarnermut inatsimmi 2022-mut isumaqatiginninniarnerni politikikkut akuerineqarput. Allannguutit allatanngorlugit oqaaseqaatit Aningaasaqarnermut Inatsimmi 2022-mut ilanngunneqarput aamma maannakkut naggataarutaasumik inatsisissamut ilanngunneqarlutik.

Maannakkumut Akileraartarnermut aqutsisoqarfimmu Inatsisartut Inatsisaat atuuttoq malillugu soraarnerussutisiaqalernissamut akiligassat akilernissaannut amigaataasut akiligassiissutigineqarsinnaapput, assigiinngissut akiliinissamut pisussaaffik aamma tassunga ukiumut atuuttumut soraarnerussutisiaqalernissamut aqqissuussamut akiligassat assigiinngissutaat 2000 kr.-nit anneruppata. Killiliussaq tamanna maannakkut 4000 kr.-nut qaffanneqarpoq. Taamaalilluni qulakkeerneqarluni inuit soraarnerussutisiaqalernissamut pisussaaffiit annikitsumik eqqortitsinngitsut akileraartarnermut allagartamik qaffaassutilimmik ilanngaammik procentulimmik tigusinginnissaat.

Assinganik isertitaqarnermut killigititaq ileqqaarinermut pisussaaffiup atuutsilernerani qaffanneqarpoq, taamaalilluni ileqqaarinermut pisussaaffik inummumut narlusuumik titarnilimmik 0 procent-imiit piffissaanerani inummumut ileqqaarisumut naligitinneqartumut, ileqqaarinermut tunngavik 125.000 kr.-nik naleqarpat, piffissaanerani ileqqaarinermut nalinut atuuttunut 100 procentimut, ileqqaarinninnermut nalit 175.000 kr.-uppata imaluunniit sinnerpatigit.

Naatsorsukkanik suliaqartoqarsimanngilaq, soraarnerussutisiaqalernissamut aqqissuussat inatsisaannik sunniutinik nunap immikkoortortaani sumiiffinni iluaqutaasunik ersersitsisunik. Taamaattunik naatsorsukkanik suliaqarneq annertuumik ajornakusoorsinnaavoq, sumiiffinni allani inuulluarnissamut pissutsit assigiinngissusaannik ilaqassappata, assersuutigalugu ilaallutik najugaqarnermut aningaasartuutit assigiinngissusaat, nunamit isumalluutaasinnaasunut periarfissat, angallannermut aningaasartuutit il. il. Naatsorsuutit taamaattut pisariaqartitsippat annertuumik annikitsukkaanik innuttaasut aningaasaqarnikkut pissusaannik ilisimasaqarnissaq, pisortaqarfiit piginngisaannik. Naatsorsuutit sammisaqarfinnut anerlasuunut tunngaviusutut kissaatiginarsinnaapput, soorlu ass. pisortatigoortumik ikiorsiineq pillugu inatsimmut, soraarnerussutisiaqalersinnaanermut siusinaartumillu suliunnaarnerisuteqalernernumut, tunisinermi isertitaqaatinut il. il., kisianni Namminersorlutik Oqartussat pinnaassuseqqortussuseqanngilat taamaattumik suliaqarnissap ingerlannissaanut.

**Apequt 13:**

*Soraarnerussutisiaqalernissamut aqqissuussinermut peqataasussaaitaanerup atorunnaarsinneqarsinnaanera qanoq akeqassanersoq paasisutissiissutigineqassasoq ataatsimiititaliamit kissaatigineqarpoq.*

**Akissuteqaat:**

Naalakkersuisut apeqqummut tassunga isummersoreersimapput UKA2022-mi akissuteqaatinut allattukkani "Inatsisartut aalajangigassaattut siunnersuutit, Naalakkersuisut kingusinnerpaamik UKA2023-mi pisussaaffilerneqartut Inatsisartut Inatsisaat nr. 21, 28. november 2016-imeersumik soraarnerussutisiaqalernissamut aqqissuussat pillugit atorunnaarsitsinissamut siunnersuusioqqussut" akuerinnginneratigut. Taamaammat inussiarnersumik akissuteqaatit allattorsimasut innersuussissutigineqarput.

Inatsisip atorunnaarsinneqarnissaanut kingunissanik annertunerusumik naatsorsuineq ilaatigut utoqqalinersiutinittussat amerlassusaannik pisortaqarfinnut isumaginninnernit aggersut aningaasartuutitik ilanngussisussaasariaqassaaq. Naatsorsuinerit annertuupilussuit eqqartorneqarput, taakku piffissap sivikitsup ingerlanerani ingerlanneqarsinnaangillat, akissuteqaammik suliareqquneqartumi.

**Apeqqut 14:**

*Soraarnerussutisiaqalernissamut aqqissuussinermut peqataasussaataaneq atuutsinnagu soraarnerussutisiaqarnermik pitsanngorsaaneq aningaasanut inatsit aqputigalugu qanoq aningaasalersorneqarsinnaagaluarner-soq paasissutissiissutigineqassasoq ataatsimiititaliamit kissaatigineqarpoq.?*

**Akissuteqaat:**

Oqaaseq "inunnet soraarnerussusiat" nalinginnaasumik Qallunaat nunaanni pisortanit aningaasaliinikkut utoqqalinersianut atorneqartarpoq. Kalaallit Nunaanni oqaaseq "utoqqalinersiat" pillugit maani nunami aqqissuussaq atorneqartarluni.

Apeqquteqaat annikitsumik erserluppooq, kisianni Naalakkersuisut pitsaernerpaamik akiniarsarissavaat. Akileraartarnek atugarissaarnerlu pillugit Isumalioqatigiissitamit kiisalu Aningaasaqarnermut Siunnersuisoqatigiinnit siornatigut nalilersorsimavaa naatsorsuutit, inuiaqatigiit agguataarnerisa allaatigisaanerisa allannguutaasa kingunerinit ataatsimut katillugit aningaasartuutit 1 mia. kr.-nik annertussuseqassasut, allannguutit tamakkiisumik pisortaqarfinnut missingersuutaat atuussimalerpata. Naatsorsuutit taakku suliarinerini ilanngunneqarsimangillat utoqqalinersiat saniatigut immaqa aamma qaffassinnaaneri. Naatsorsuutit 1 mia. kr.-usut pingaarnertut assinganik utoqqalinersianut kiisalu peqqinnissaqarfinnut utoqqamillu isumassuinerlut aningaasartuutit qaffannissaannik ilaqarput. Tunngaviusumik Inatsisartut soorunami toqqarsinnaavaat aningaasaliissutit taamak annertutigisut pingaarnersiorneqarnissaat ukiunut aggersunut utoqqalinersiutit qaffannissaannut. Qularnangilarli tamanna annertuumik suliaassaasoq, pisortaqarfinnit arlalinnit allanit sullissinernik annertuumik ilanngaassinernik kinguneqartussaq, ataatsikkut akileraartarnek akitsuusiinerlu annertuumik qaffaaffigineqarnissaa akuerineqanngippat. Ullumikkut unammillernareerpoq Aningaasaqarnermut Inatsisip naligiissinnissaa, aamma suliap ingerlannissaanut pingaarnersiuneq taamak annertutigisoq periarfissaanngitsutut isikkoqarsinnaavoq.

Innuttaasunut annertuumik aningaasaqarnikkut pissutsinut ataatsikkut toqqiilliortitsinernik kinguneqassaaq, utoqqalinersiutinut aaqqissuussat akileraartarnikkut taamaallaat tunngavilerneqassappata. Pisortaqarfiit aningaasartuutaannik qaffaanissamut takorluuineq siunissami politikkerinut utoqqalinersiutinik tunisinissamut maannakkut politikkerisut pingaarnersiunerisut qulakkeerneqarsinnaanngilaq. Namminersorluni suliunnaarnersiuteqarnissamut ileqqaarineq taamaalilluni siunissami suliunnaarsimasunut annerusumik aningaasaqarnikkut namminersornermik aamma naligiinnerunermik qulakkeerinneqataassaaq.

**Apeqqu 15:**

*Kalaallit Nunaanni innuttaasut qanoq amerlatigisut soraarnerussutisiaqalernissamut ileqqaarneq ajornersut paasisutissiissutigineqassasoq ataatsimiititaliamit kissaatigineqarpoq.*

**Akissuteqaat:**

Naalakkersuisut inussiarnersumik ataatsimiititaliamut siusinnerusukku 24. oktobar 2022-mi allattukkat innersuussutigissavai. Allattukkani ersipput, missingersuutigineqartut inuit 18-t 65-illu akornanni ukiullit suliunnaarnersiuteqarnissamut ileqqaarinnermut akiliuteqarsimanngitsut 3600-juunissaat.

Ataatsimiisitaliamit apeqquteqaammut akissuteqaateqarfissamut piffissaliussap iluani nalilersuinnermut akissuteqaateqarnissaq periarfissaanngitsoq, Kalaallit Nunaanni innuttaasut sulisinnaasut ileqqaarinninnissamut pisussaaffillit qanoq amerlatigisut, suli suliunnaarnersiuteqalernissamut aaqqissuussamut peqataanngimmata. Naatsorsuutigineqarpoq eqimattakkaat annikitsut eqqartorneqartut, innuttaasut annikinnerpaamik killigititaq ataallugu isertitaqaatilliut, taakku aningaasarsiaqarnermut isumaqatigiissuutit malillugit atorfeqarnikuusimassanngitsut aamma inuusuttut, ileqqaarinissamut pisussaaffiligaaqqammersunik ilaqartut.

**Apeqqu 16:**

*Soraarnerussutisiaqalernissamut aningaasat aningaaserivinnut akiliutigineqartut Kalaallit Nunaanni aningaasaliissutitut atorneqarsinnaanersut paasisutissiissutigineqassasoq ataatsimiititaliamit kissaatigineqarpoq.*

**Akissuteqaat:**

Ersernerlularpoq aningaaseriviit suut pineqarnerisut, kisianni naatsorsuutigineqarpoq, suliunnaarnersiuteqarnissamut kasrsit imaluunniit bankit il. il., innuttaasut sinnerlugit suliunnaarnersiuteqarnissamut ileqqaariviit aqunneqartut.

Suliunnaarnersiuteqarnissamut ileqqaarinnermut piunasaqaatit nalinginnaasut atuupput, ilaatigut aklerliissinnaasut. Taamaammatt pingaaruteqarpoq aningaasaliissutinut iluanaarutit pitsaanerpaajunissaat. Kisianni taakku saniatigut pingaaruteqarpoq qaffasissumik isumannaallisassallugu ileqqaakkanit pigisat annaaneqannginnissaat. Tamanna piviusumik isumaqarpoq suliunnaarnersiassanit aningaasaatit aqunneqarnerat siammasissumik

nalorninaallisarneqassasut, taamaalillutik aningaasaliissutit sumiiffimmi ataasiinnarmiinginniassammata imaluunniit ataatsimik pappilissatut nalilittut.

Suliunnaarnersiutinut suliffeqarfiit ataasiakkaat naliutitik aningaasaliiffinnut inissinniartarpaat, piumasagaatit taakku akornanni naligiissinniarneqarlutik. Nalinginnaasumik aktiet aamma obligationit kiisalu soorlu sanaartukkanut piviusunut nalillit naligiissinniartarpaat.

Innuttaasut suliunnaarnersiutissatut ileqqaagaat siammasissumik annertussusilinnut aningaasaateqarfinnut, suliunnaarnersiuteqarfinnut il. il. inissittarpaat, soorlu SISA-mut, PFA-mut P+-imut, Lærernes Pension-imut, Grønlandsbanken-ip Qimatut-pension-imut, AkademikarPension-imut il. il. Naalackersuisut pissutsinut tamanut nutaanik ilisimasaqanngilaq, aamma taamaammat ilisimatitsissutigisinnaanngilaa suliunnaarnersiutinut karsimi uninngasuutit ileqqaarinernit aningaasaliissutaasinnaasut imaluunniit maani nunami aningaasaliissutaasinnaasut qanoq annertutiginerinik. Taakku saniatigut ingerlaavartumik aningaasaliissutit assersuutigalugu assigiinngitsuni nalillit aamma pappilissat nalillit uussortarpaat, taamaalillutik piviusumik suliunnaarnersiutinut ileqqaarinerit piffissap ingerlanerani allanngorartarput.

Iluanaarutinut sillimanissaq pillugu piumasagaatit aamma nalorninartumik siammaassinerup pinerit tamaasa piumasagaatigaa, inuiaqatigiit ilaasa suliunnaarnersiuteqarnissamut ileqqaagaat nunap avannaanut inissinneqartariaqartut. Kalaallit Nunaanut immikkuullarissuunngilaq. Assersuutigalugu Norskit suliunnaarnersiuteqarnermut aningaasaateqarfia (siusinnerusukkut uuliamut aningaasaateqarfik) 12.000 milliard nkr.-nit aningaasaatit amerlanerit nunanut allanut 65-t sinnerlugit amerlatigisunut agguataarneqarsimapput suliffeqarfinnut 9000-inik amerlanerusunut. Tassunga pingaarutilittut anguniagaavoq, pigisanik aningaasaliissutit Norgemi inissisimanninnerat (Najoqqutassiaq: <https://www.nbim.no/en/the-fund/investments/#/>) Tamanna aningaasaliissutit siaruartinnissaannut kissaateqarnermut attuumassuteqarpoq aamma taamaalilluni avaqunneqassalluni Norskit immikkut ajornartooratarsinnaanerit siunissami utoqqarnut artornanninnerunissaa. Anguniakkamut tassungattaaq atuuppoq maani nunami ileqqaarinissamut. Illuinnarsortumik Kalaallit Nunaanni suliunnaarnersiutissanik ass. nunap iluani aalisakkerivinnut taamaammat inissiinissaq suliunnaarnersiutissanit ileqqaakkanit pigisat annaasaqaateqarnermik kinguneqarsinnaapput assersuutigalugu erngertumik uumassusillit allannguutaannut atatillugu, soorlu taamani saarulliit ukiut ikitsut ingerlanerini tammarmata.

Soorunami allannguutaanngilaq, Naalackersuisut suliunnaarnersiutinik pigisanit assinganik allanik maani nunami aningaasaliinissaq kissaatigimmassuk.

Soraarnerussutisiaqalernissamut aqqissuussaq pillugu inatsimmi piumasagaataavoq, soraarnerussutisialeriviit karsianni, aningaasaateqarfinni il. il. taamaallaat ileqqaarinnittoqarsinnaasoq, tamanna aningaasaateqarfiit pillugit inatsisaanni ilaasoq. Tamanna isumaqarpoq soraarnerussutisiaqalernissamut imaluunniit immiinnut sillimmasiiffissanut aqqissuussanut akiliineq

pisinnaangitsoq, nunani pilersitsiffiusimasuni, sillimmasiisarfiit pillugit inatsit atuutinngippat imaluunnit Aningaasaateqarnermut nakkutilliisoqarfik pisinnaatitaangippat nalunaarutigissallugu sillimmasiisarfinnik ingerlatsineranut akuersissut. Inatsimmut tamatumunnga piumasaqaatip siunertaraa innuttaasut illersussallugit nalorninartunut imaluunniit allaat uukapaatitsiniartartunut aamma qulakkiissallugit pitsaasumik pigisanik ingerlatsineranut nakkutilliineq. Inatsit taakku saniatigut navianaataasinnaasunik killiliisuvoq aamma aningaasaliinerit siammarternerinut. Naalagaaffimmit inatsisaasut eqqartorneqarput, Naalakkersuisut allanngortiinnarsinnaangisaat.

SISA ukioq 2021-mut ukiumut nalunaarutimini ilisimatitsissutigaa tulliuuttumi soraarnerussutisiaqalernissamut maani nunami aningaasaliiffini (qupperneq 5):

***” Kalaallit Nunaanni aningaasaliineq***

*Kalaallit Nunaanni soraarnerussutisiaqalernissamut ani ngaasaateqarfittut kisiartaasutut ilaasortat taamatullu SISA-p nammineq soqutigisaraa nunami maani ineriartornerup tapersersornissaa. SISA taamaaliorpoq Kalaallit Nunaanni inuussutissarsiortunut iluanaaruteqarnissamut atugassarititaasut tunnga vialugit aningaasaliisarluni. Aningaasaliissuteqarnerni taakkunani sulii qitiutinneqassaaq iluanaarutit aamma nalorninaroorfiusinnaasut akornanni eqqortumik oqimaaqatigiittoqarnissaa, taamatuttaaq SISA-mit sapinngisamik ujartorneqassaaq nuna tamakkerlugu aningaasaliissuteqartarnissaa. Taamaattorli aammattaaq paasivarput Kalaallit Nunaanni aningaasaliisarnerit pillugit politikikkut nalornisoqartoq. Piffissaq ungasinnerusoq eqqarsaatigalugu aningaaliisartutut SISAmi pisariaqartinneqarpoq politikikkut piffissaq ungasinnerusoq eqqarsaatigalugu pilersaarusiortoqarnissaa atituumik isumaqatigiissuteqarnikkut, naalakkersuinikkut allanngortoqaraa ngat allanngortussaangitsunik.”*

Taamaattorli ukiumut nalunaarusiami ersinngilaq, SISA qanoq annertutigisumik maani nunami aningaasaliisimanera imaluunnit immikkoortortaqaarfinnut sorlernut.

Soraarnerussutisiassatut GrønlandsBanken-imiittut Qimatut-pension aqutugalugu ileqqaakkat pigisat iluaqutaasumik pingasunut assigiinngitsunut aningaasaliiffigisinnaasunut agguarneqarsinnaapput. Aningaasaliiffigisinnaasat assigiinngitsut ersersippaat aningaasaliissutaasartut isorartussusaat aamma nalorninarorsiorsinnaasuseq. Nalinginnaasumik aningaasaliiffigisinnaasalli nunarsuaq tamakkerlugu aktienit aamma obligationinik assigiinngitsunik

naligiissarneqarsimapput. Naalakkersuisut ilisimanngilaat, nalillit aammattaaq  
Kalaallit Nunaanni aktienut inissiisoqarsimanersoq tassunga atatillugu, kisianni  
naatsorsuutigineqarpoq killilimmik taamaallaat annertussuseqaratarsinnaanera.

Inussiarnersumik inuulluaqqusillunga

Med venlig hilsen

*Naja H. Nathanielsen*

Naja H. Nathanielsen



Aningaasaqarnermut Akileraartarnermullu Ataatsimiititaliaq  
Maani

### UKA 2022/109 – Apeqquteqaatinut akineqarsimannigtsunut akissuteqaat

Brevdato: 14-11-2022  
Sagsnr. 2022 - 5424

Naalakkersuisut ulloq 5. november 2022 apeqqutit 16-it ulloq 7. november 2022 nallertinnagu akeqquneqartut Aningaasaqarnermut Akileraartarnermullu Ataatsimiititaliamit tiguaat. Paasissutissat pisariallit sulii katersorneqarnissaat peqqutaalluni apeqquteqaatini 16-iusuni marluk piffissaritinneqartup qaangiutinnginnerani akineqarsinnaasimangillat.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

Ataani tulliuttuni apeqquteqaatit sinneruttut marluk (apeqqut 6 aamma 8) akissuteqarfigineqarput.

#### Apeqqut 6

*Apeqqummut siulianiittumut nangissutitut ataatsimiititaliamit paaserusunneqarpoq "suliassat" (maleruagassat nutaat atuutilerneranni) qassit Akileraartarnermut Aqutsisoqarfimmit suliarineqarsimanersut. Akissummi suussutsinut immikkoortiterlugit suliassat amerlassusiat paasissutissiissutigineqassasoq kissaatigineqarpoq. Kiisalu innuttaasut maleruagassanik iluaquteqartussatut kissaatigisagut sinnerlugit aningaasat aqutsivigineqartut pillugit paasissutissat najukkanut immikkoortiterlugit akissuteqaammut ilanngunneqartariaqarpoq.*

#### Akissuteqaat:

Apeqquteqaat ajoraluartumik ersarinngilaq, taamaammat Naalakkersuisut apeqqut pillugu nalornissuteqarput eqqortumik paasinerlugu. Kisianni paasinarpoq ataatsimiititaliap kissaatigigaa tulliuttut paasissutissiissutiginnissaat:

<b>Inuit amerlassusiat, ukioq 2022-mi ukioq 2021-mut soraarnerussutisiaqalernissamut aqqissuussinermut peqataasussaataitanermik naatsorsukkanik pisimasut</b>	
Soraarnerussutisiaqalernissamut aqqissuussamut peqataasussaataitanermik ukiullit inuit amerlassusiat katillugit	39.936
125.000 kr.-t sinnerlugit isertitaqaatit tunngavigalugit soraarnerussutisiaqalernissamut aqqissuussamut peqataasussaataitanermik inuit amerlassusiat.	15.222

<b>Inuit amerlassusaat, soraarnerussutisiaqalernissamut ileqqaarnissamut akiliisinneqanngitsut, appasinnerpaaffiata 100.000 kr.-nit 125.000 kr.-nut ukioq 2021-imi qaffanneqarnera pequtaalluni (Kommuninut agguaqatigiissillugit)</b>			
	Inuit tamarmik katillugit, soraarnerussutisiaqalernissamut aaqqissuussinermut peqataasusaatitaanermut ilaasut	Inuit amerlassusaat, soraarnerussutisiaqalernissamut aaqqissuussinermut akiliisusaanermut peqataasusaatitaanermut ilaanngitsut	Procent-inngorlugit akiliisussaa-titaanermut annertussutsit
Avannaata	7.427	384	5,2%
Kujalleq	4.233	207	4,9%
Qeqertalik	4.183	189	4,5%
Qeqqata	6.315	252	4,0%
Sermersooq	17.778	592	3,3%
Katillugit	39.936	1.624	4,1%

Malugeqquneqarpoq innuttaasut ilarpasui soraarnerussutisiaqalernissamut aaqqissuussamut peqataasusaatitaanermik malittarisassat allanngortinneqarnerisa kingorna soraarnerussutisiaqalernissamut aaqqissuussamut akilersuinissaminut pisusaatitaarunnaartut, soraarnerussutisiaqalernissamut aaqqissuussamut sulii akilersuisussaammata, tassami atorfeqarnerminnut atatillugu soraarnerussutisiaqalernissamut aaqqissuussinermut isumaqatigiissummut ilaammata. Tamanna soorlu SIK malillugu isumaqatigiissuteqartunut atuuppoq.

<b>Inuit amerlassusaat ukioq 2021-mi akiligassaannik annikilliliiffigineqarnikkut aamma taamaammat 125.000 kr.-it aamma 175.000 kr.-nit akornanni ileqqaarnissannut tunngavillit (Kommuninut agguaqatigiissillugit)</b>			
	Inuit amerlassusaat katillugit, soraarnerussutisiaqalernissamut aaqqissuussamut peqataasusaatitaasut	Inuit amerlassusaat akiligassaminnik annikilliliiffigineqartut	Procent-inngorlugit akiligassaminnik annikilliliivigineqartut annertussusaat
Avannaata	7.427	735	9,9%
Kujalleq	4.233	401	9,5%
Qeqertalik	4.183	446	10,7%
Qeqqata	6.315	559	8,9%
Sermersooq	17.778	1.242	7,0%
Katillugit	39.936	3.383	8,5%



<b>Aningaasat aalajangersimasumut atugassat utertinneqarnerisa annertussusaat</b>	
	Inuit amerlassusaat
Inuit amerlassusaat, akileraartarnermut allagartap qaffanneqarnerata* kingorna tigusaqarsimasut	2.923

\* Naalagaaffimmit kukkunernik nalunaaruteqartoqarsimavoq akilerneqanngitsunik, taakku kisitsisini ilaangillat

<b>Ukiup 2022-p affaata siulliani Aningaasaqarnermut Akileraartarnermullu Ataatsimiititaliamut soraarnerussutisiaqalernissamut aaqqissuussamut peqataasussaaitat pillugit saaffiginnissutit amerlassusaat*</b>	
Saaffiginnissutit amerlassusaata missingersorneri katillugit (e-mail, oqarasuaat, ornigullutik saaffiginnittut)	miss. 1.000

\* Periarfissaanngilaq saaffiginnissutit sorliit akornini, ukiut 2018-imit 2020-mut ileqqaarfitt ukiui aamma saaffiginnissutit apeqquusiinerillu pillugit. Aammattaaq oqarasuaatikkut ornigullunilu saaffiginninnerit amerlassusaasa missingersuutigaat, saaffiginnissutit taamak ittut siunertaat tunngavigalugit nalunaarsorneqarneq ajornata.

### **Apeqquut 8**

*Soraarnerussutisiaqalernissamut aaqqissuussinermut peqataasussaaitaanermik atuutilersitsinermi misilittakkat "pitsaanerpaajunngitsut" Naalakkersuisut paasissutissiissutigaa. Tamanna tunngavigalugu atuutilersitsinerup, ineriartortitsinerup piviusunngortitsinerullu iluatsiffiunngitsup qanoq nukissanik atuiffiutigisimanera paasissutissiissutigineqassasoq ataatsimiititaliamit kissaatigineqarpoq. Apeqquummut tunngaviuvoq nalinginnaasumik nassuiaatini paasissutissiissutigineqarmat IT-mi nalunaarsuiffiup ineriartortinnerata kingusinaarluni aallartinneqarnera, suliasamik naammannngitsumik ilisimasaqarneq paatsuinerillu aammalu sulisussat naammattumik piginnaasallit pissarsiarinarneqarnerisa ajornakusoorsimanera.*

### **Akissuteqaat:**

Ataani allattuiffimmi ukioq 2017-imit 2021 ilanngullugu soraarneriuteqalernissamut aaqqissuussamut peqataasussaaitaanermik ilisarititsinermut, ineriartortitsinermut, atortuulersitsinermut aamma aningaasartuutitut katillugit naatsorsorneqarput. Naatsorsuutini aalajangertoqarsimanngilaq, aningaasartuutit appasinnerusinnaagaluarnermut, soraarneriuteqalernissamut aaqqissuussamut peqataasussaaitaanermik ilisarititsinermut, ineriartortitsinermut, atortuulersitsinermut ingerlatsineq pitsaanerumagaluarpat. Taamaattorli peqquutissaqarpoq naatsorsuutigineqarsinnaasoq, pitsaanerumik ingerlatsineq ineriartortitsinermut atortuulersitsinerumullu piffissarititamik sivikinnerutitsinnaasimagaluarnera. Tamatuma ataatsikkut sipaaruteqarnermik inerneqarsimassagaluarnera, aningaasaliissutit isumalluutillu suliamut atorneqartut sulianut allanut nuunneqarsimaneri imaluunniit sipaarfigineqarsimanera apeqquutaapput.

<b>Soraarnersiuteqalernissamut aaqqissuussamut peqataasussaataaerneramik ilisarititsineranut, ineriartortitsineranut, atortuulersitsineranut piffissami 2017-imiit 2021 ilanngullugu aningaasartuutit</b>	
It-mik ineriartortitsineq (avataanit pilersuisoq)	3.643.766 kr.
Soraarnersiuteqalernissamut aaqqissuussamut peqataasussaataaerneramik ingerlatsineranut ineriartortitsineramullu Akileraartarneranut Aqutsisoqarfiup aningaasartuutai *	9.375.000 kr.
Katillugit	13.018.766 kr.

\* ukiuni tallimani atorfillit pingasut ukiumut 625.000 kr.-nik naliliit.

Inussiarnersumik inuulluaqqusillunga

*Naaja H. Nathanielsen*  
Naaja H. Nathanielsen